


普
曜
經



百
九
鳴
七

48064



元祿九年丙子二月日重脩

皇圖聖圖 帝漸銀呂

佛日增輝 懋輪常轉

山城州天安寺法金剛院置



普曜經卷第五

西晉三藏法師竺法護譯

鳴

異學三部品第十四

於是菩薩遊在山間往至尼連水邊樂於閑
居心意寂然慈念十方欲益天人佛告諸比
丘菩薩遙見鬱頭藍弗為諸弟子所見奉敬
達知罽識筭術天地災變為眾最師菩薩心
念今者此等自以己身計知筭術星宿災異
為眾人師所見奉事吾往其所問其所行能
知殊勝尔乃降伏講有無法一心脫門三昧
正定超其所學以權方便觀其本末目覩此
等所當行者世俗定意然後為說深奧之定



無為三昧乃歸大道於時菩薩思惟是已往
詣其所問言賢者所事何師誰為說法而學
此業鬱頭藍弗答言吾無有師自然達之又
問今所達者為何所獲答曰獲有想無想定
菩薩報曰寧可從人得學是定乎答曰善哉
從志所樂時菩薩起在於屏處結跏趺坐菩
薩適坐功福殊特聖慧無匹宿世所行卓然
有異入諸定意一切正受獨步無侶靡不通
達百千定意一切備矣猶如照鏡而得自在
而無罣礙於時菩薩從三昧起重詣藍弗所
復問寧更有定踰無想乎進至道耶得道不
也答曰無也菩薩自念藍弗無信獨吾有信

藍弗無精進念定意智慧吾有之思惟是已
便捨之去詣迦羅無提所問之曰誰爲師主
從何受法答曰無師自然暢之又問暢之何
所獲乎答曰獲無用虛空三昧於時菩薩三昧
正受最爲殊特即復說言此業善哉我所歸趣
仁亦趣此俱共在斯與是衆人而爲眷屬菩
薩答曰今此業者不至滅度不離於欲不達
無爲不至寂然無有沙門不至正覺非是泥
洄於時菩薩與彼藍弗及此迦羅反覆相難
知之不及便捨之去轉復前行見三梵志一
曰優爲迦葉次曰那提迦葉幼曰竭夷迦葉
兄弟三人有千弟子菩薩過候問何所事乎

曰奉事水火及於日月上至梵天菩薩答曰
是不真正水不常滿火不久熱日出則移月
滿則缺梵天無常雖久必終唯有無爲無終
無始能無窮極所論適竟因捨之去還歸本
處佛告比丘於時菩薩心自念言今吾處在
五濁之世值下劣衆外學熾盛各墮異見九
十六徑六十二疑貪身愛命蔽塞愚冥深慕
情欲懷傷害心不受訓誨不向清淨志慕飲
食樂戀土地常行非義不志微妙不樂惠施
愛財貪嫉志不存此道品之義不在無礙馳
騁情態住於十惡不離自大不救衆厄放逸
不定難可開化殺害恣意飲酒無節唯慕樂

之或事水火日月梵天或事山神社神虛空
天神海水泉源樹木之神或服果菘入山服
食或日一食二日三日或至七日一食或日
一搏二日三日七日一搏或十五日乃至一
月一食淨修梵行四禪四等上生梵天不斷
生死或有裸形或服鹿皮或事鬼神羅刹阿
湏倫神不免惡趣不能成道謂之自達不可
軌則無以開化世俗衆邪異學今我寧可示
現清行以用攝取外學之等顯正真業便捨迷
惑所當應行欲界色界不從彼教來入佛道
六年勤苦行品第十五

佛告比丘於時菩薩作是思惟六年之中示

大勤苦精進之行以何等故名勤苦行是事
難及人所不逮是故名曰勤苦行矣衆生之
中若天世人不能修行成辦此業唯有究竟
一生補處菩薩乃能行之故曰難辦斯勤苦
行因是現行四禪之法數出入息令解其意
無想不念無所希望在所至奉心無所倚不
貪是四其像本末宿世所學無學緣覺菩薩
所行是則名曰周遍虛空無作非作靡所不
作彼則名曰普護一切以等如空行禪定事
是亦名曰去無所至於時菩薩欲現世間開
化外學若干品業訓誨諸天示其罪福外學
異術計死斷絕神無所生或言有常云無罪

福爲分別說功福之報現身口心當行清淨
日服一麻一米六年之中修立難及勤苦之
行宿命不債菩薩六年之中結跏趺坐威儀
禮節未曾進退常存路精亦無覆蓋不避風
雨不鄣頭首塵土之患也不起左右行大小
便亦無涕唾不屈伸低仰亦不傾側身不猗
卧或興雲大雨雷電霹靂春夏秋冬菩薩默
坐值此衆難未曾舉手以自障蔽諸根不亂
不邪視不恐怖丘聚村落男女大小牧馬牛
羊擔薪負草過邊興塵不想念之不以爲患
無所汙雜彼時菩薩衆人恠之美羨之所行取
其草木投著耳中且不痛痒投之鼻中不衄

亦不棄去諸天龍神阿須倫迦留羅真陀羅
摩休勒目自覩見菩薩功勳道德巍巍來往
其邊供養奉事稽首菩薩尔時菩薩定坐六
年現勤苦行教授開化十二載天人立之三
乘以是之故坐六年日於是頌曰

菩薩前出家 其功勳真正 厥心常寂然

顯是愍衆生

在五濁之世

由下劣俗故

生此閻浮提

於世現罪福

邪學業熾盛

諸見六十二

故立此精進

逼困身畢罪

浴池諸泉原

日月衆光明

樹木巖石山

厭鬼地神禮

自然行精進

建立難及行

修成勤苦業

為衆示現此

身力如金剛

禪思不可動 用若干義故 亦復現緣覺
若諸天人 異學乱見喜 亦化此等故
示勤苦之行 而結跏趺坐 在地無坐具
日進一麻米 示現而服此 示出息不出
亦無還報息 六年甚堅強 禪思不缺漏
無念無不念 不念所可行 心猶如虛空
禪思不傾動 不覆蓋身上 亦無所障蔽
不移動如山 禪思不增減 不避其風雨
亦不鄣頭首 不失威儀節 禪思無進退
村落諸男女 牧牛馬猪羊 擔薪及負草
行邊興塵土 不淨空其身 若干品諸難
無念不迷惑 禪思無進退 身肉為消盡

唯有皮骨存

腹脊表裏現

猶如筌篋形

諸天所造行

須倫龍沓和

目覩揔功勳

皆共咸供養

五體禮受教

令疾得成就

使我得致是

如心懷愍哀

欲降外異學

暗弊衆邪業

因是現罪福

其身坐口言

是佛道難得

鬚頭何有道

行無央數劫

六年畢其罪

以是化天人

其數十二載

是故人中尊

坐禪不進退

佛告諸比丘菩薩修勤苦行竟六年已心自
念言雖有神通聖明慧力今吾以是羸瘦之
體往詣佛樹將無後世邊地諸國有譏者乎
謂餓得道吾身寧可服柔軟食平服其體使

有勢力然後乃往至於樹下能成佛道時有
丘聚名曰修舍慢加有長者女日日飯食八
百梵志見知菩薩造勤修行常願奉供大聖
菩薩即夜往樹下坐時長者女始出嫁時有
願生子男者必當與作甘美餽饌祠山樹
神時長者女生得一男心中歡喜殺千頭牛
展轉相飲取其淳乳用作乳糜欲祠樹神即便
遣婢先往掃除婢見佛坐不識何神還啓大
家掃除已竟樹下有神端正殊好非世所見
時女聞喜欲取糜往糜跳出釜高一丈餘不
可得取女甚恠之時八百梵志中師見之謂
女今此乳糜非凡夫所應服者唯臨成佛服

食此飯乃消化耳。天於虛空而出聲曰：今日
女欲興立大祠，有大菩薩在於精思勤修，苦
行已從座起。汝本有願，當先飯之，食之充滿。
尔乃逮成無上正真之道，為最正覺。便說此
意，勿違本願。時長者女聞天神言，即取乳糜
盛滿金鉢，手執賓軋，與八百梵志俱往。泥連
水邊，佛言比丘菩薩知之，即以神通慧力，還
江水邊，忽然而度，隨其習俗，示現入水而自
洗浴。時八萬天子各按樹枝，供養菩薩。菩薩
牽枝出在岸邊，其身輕便清淨，無垢。菩薩適
住時，兜術天子号離垢光，尋取天衣袈裟，僧
伽梨，化沙門形，奉上菩薩。於時菩薩即取著。

之靜然而住時泥連江水中龍妻從地化出
以微妙牀貢進菩薩菩薩即坐時修舍慢加村
落長者女與諸梵志奉美乳糜詣菩薩所稽
首足下右遶三匝以賓軋水灌菩薩手以美
乳糜進上之菩薩愍哀女輒受食之氣力得
充心無所戀持金鉢投之江水具足千龍即
攝取之而供養鉢於時奉牀龍妻得之用立
神祠勤心供養諸天百千億載悉取香水和
泥起祠其欲供養菩薩鉢者各現宮殿咸共
奉事於時村落長者女等佛與髮爪得之起
塔供養佛言比丘菩薩適服此乳糜以成福
願身遂充滿容色光光踰於日月於是頌曰

時世尊精思

勤心自念言

身神通慧力

往詣樹王下

成一切智慧

以逮諸通慧

便行普愍哀

最後救衆生

我寧可服食

令身得充滿

往到樹王下

成聖一切智

不以少薄福

得致天人安

不得成瞀眼

逮身力甘露

至說宿功德

決斯安隱祠

其心思如是

天聞告村落

金鉢盛乳糜

往詣江水邊

奉上心踊躍

逮德道甘露

所行百千劫

諸根悉寂定

諸天龍袖往

大聖至水岸

適施度無極

入水自洗浴

以洗除衆垢

愍傷於世俗

億千天歡喜

各賈華擣香

世寂適入水

人中上洗浴

悉知是菩薩

建立行無垢

仁賢適洗浴

百千天奉事

其身無垢穢

天子奉加衣裳

身即著衣服

著衣服已竟

龍妻尋歡喜

奉之好牀座

寂定意便坐

為世之道眼

修釋女奉食

金鉢盛乳糜

稽首禮足下

大通即服之

服此得充滿

投鉢著水中

諸天奉真誠

來供養於佛

如來適飯竟

乳糜極甘美

其身氣力充

行詣佛樹下

適到佛樹下

行身不動搖

強如帝釋步

建立菩薩行

於是菩薩飯食以充愍念十方救濟危厄欲

坐樹下現成佛道度脫衆生十方諸佛咸示

威變顯其瑞應五百化鳥自然來現往詣其所
遶菩薩身暢悲哀音歎其宿世所行無量
積累功德為一切故欲化五趣故現五百令
去五陰消除五蓋拔五道行逮五神通化去
五五二十五事所處甚難存處道場住無所
住本無之慧於是頌曰

從無數劫中

積德行六度

四等心四恩

護三界之將

大慈無蓋哀

欲脫癡龍瞋

今當成大道

具三十二相

隨俗而現身

說苦空非常

使了悉本無

入佛三寶藏

俗人罪所蓋

十二因所障

不達無上真

生死沈沒亡

若解一切空

不犯五陰行

陰衰以消滅 心淨如法王 至真無上慧
莫能限度量 光踰踰日月 所濟無有壇
須弥尚可稱 虛空可度量 不及大智慧
大聖無極行

歎此頌時無數天神皆發無上正真道意也
佛告諸比丘菩薩江水邊洗以飯食乳糜知
氣力充往詣佛樹佛樹王下修如法行皆無
所動堅任如山不諂蔽行不逼短氣造立清
淨不動搖行而不相棖以不强額性不卒暴
所行高下自然平等演光闡王晃晃灼灼至
真善行消垢下意法過去佛清淨正行至師
子牀不壞性行斷衆惡趣思念永安棄魔力

勢力令不堪任度衆邪行受正法業滅眞樹塵
生死之本使無部黨釋梵四王行無所處一
心勇猛恐伏怨難所遊獨步達一切智心意
無雙斷終始滋捨欲諸貪使滅四難無爲無
畏度於彼岸如是行者菩薩德行功勳皆成
詣江水邊至佛樹下欲行天人化其道路弘

廣無際又斯道路左右七寶欄楯悉令嚴正
高四丈二上有交露行諸臺閣亦衆寶成天
蓋幢幡麴麴校飾七寶樹木高大妙好諸寶
樹間琦珍爲繩交縛諸樹兩兩樹間有一浴
池池底金沙中生青蓮芙蓉莖華其樹四邊
寶爲欄楯明月琉璃雜廁其間鳧鴛鴦遊

戲其中八千玉女香汁灑地掃道令淨二萬
玉女垂諸寶瓔散諸天華其樹間地七寶合
成八萬玉女各持供養名香木檜諸雜奇異
執金香瓶著寶乘上一一乘上有五千玉女
鼓天妓樂佛言如是比丘菩薩欲詣佛樹下
時嚴治道路巍巍如是至江水邊諸志大乘
亦入此路其夜菩薩當成佛時千梵天王告
梵天衆其福功德顯耀清涼皆修梵跡慈悲
喜護禪定神通從千劫來奉行大道今詣佛
樹吾等當共往供養之所修令告以能歸命
無有恐懼終無所畏無八難患生天上人間
十方佛前在梵天宮梵天聞之六年苦行今

詣佛樹皆共善心當懷悅豫供養菩薩大千
世界之法王也天帝釋梵日月天王詣江水
邊皆往奉迎在億載佛國皆心念之今詣佛
樹下當降伏魔無能見頂上至梵天亦無能
覩今尊身相甚竒甚妙莊嚴其身三十有二
言辭柔和清淨無垢音聲雅妙過踰梵天今
坐樹下當共供養其忍辱力釋梵知之忽然
安隱悉斷一切塵勞結縛若有聞者致甘露
跡成緣覺業若逮佛道普世衆生皆來供養
佛告比丘有一梵天名曰三千建立覩此三
千大千佛國平等如掌悉令照暎化於此地
生輒青草在其左右猶如天衣如是莫比遍

大千佛國而於衆生無所妨害莊嚴此國東方釋梵及四天王諸菩薩衆不可稱計諸佛國土諸菩薩衆皆來供養南西北方四維上下諸佛國土無央數衆釋梵四王莊嚴供具皆來貢上一一佛土若干莊嚴鐵圍大鐵圍一切諸山是諸佛國忽然不現悉不知處唯覩一切諸菩薩身普周佛土諸天子等又有十六人侍從菩薩其名曰轉進菩薩無進菩薩施與菩薩愛敬菩薩勇力菩薩髮猛菩薩善任菩薩揔持菩薩照曜菩薩華鬘菩薩法英菩薩志怨菩薩不害眼菩薩大淨菩薩淨嚴菩薩戒淨菩薩眷屬圍遶是諸天子等悉

不退轉逮得法忍供養菩薩莊嚴道場平治
其地三千二百里周而圍遶有好七重欄楯
七重行樹七重交露緹幔七重寶樓皆悉紫
金諸雜交飾若干種品諸寶蓮華自然化生
燒衆名香上虛空中立一寶蓋覆於十方諸
佛國土生諸寶樹諸天人民其樹華果悉現
道場其十方界水陸衆華悉現道場十方佛
國菩薩道場所可莊嚴不可限量功德聖慧
清淨之業亦現道場佛樹如是諸天子等眷
屬圍遶莊嚴佛樹極令清淨一切諸天龍鬼
神乾沓和所可莊嚴宮殿屋宅若干品妙悉
遙目覩咸共歎曰善哉善哉功德報應不可

思議彼佛樹神有四天俱嚴治道樹一名足
跡二名邊豆三名善意四名布精莊嚴佛樹
供養菩薩其樹根莖枝節諸葉華實皆悉茂
盛圍遶佛樹廣長極妙高八十里巍巍無量
欄楯樹木交露衆帳亦各七重七寶合成周
帀圍遶猶如忉利晝度之樹若有見者而無
厭極三千國土堅強猶若金剛不可毀壞自
然現彼菩薩坐樹下當成佛道佛言比丘是
菩薩身演大光明普塞惡趣滅除八難病者
得愈恐怖得安繫縛得解聾盲瘖瘂皆悉解
脫貧者大富塵勞熱者悉被療治飢渴飽滿
懷妊得產老耄強健當尔之時悉無欲縛無

姪怒癡不相患
獸無有諍訟
當念之時一切
衆生相視如父
如母如子如身
皆懷慈心於
是頌曰

其至無擇界

現於地獄中

諸有苦惱者

咸得入安隱

畜生自然和

各各相愛念

皆共懷慈心

逮得無所畏

至於餓鬼處

諸飢渴窮厄

皆獲得飲食

因菩薩威神

八難皆閉塞

消滅諸惡趣

衆生悉安隱

快樂如天上

諸有盲聾者

衆根不具足

應時悉視聽

其身皆備悉

姪怒癡塵勞

衆生被熱惱

諸塵得休息

皆悉念真正

貧者得財富

皆得生天上

病者悉除愈

繫縛得解脫 無獸及瞋恚 無有諍訟者
尔時咸相敬 皆共起慈心 如父母一子
展轉相愛念 衆生悉如是 相愛如父子
時菩薩光明 普照曜佛土 猶如江河沙
普徧四方界 不礙諸鐵圍 通過諸黑山
一切諸佛國 悉現如一土 見羅列諸寶
平正如手掌 莊嚴諸佛土 以供養菩薩
十六諸天子 圍遶佛道樹 莊嚴其道場
三千二百里 諸所可莊嚴 無思議億國
菩薩威神故 皆現彼佛樹 諸天龍鬼神
真陁摩休勒 各各起宮殿 遙望悉見之
以見此清淨 諸天人欣喜 善哉福之報

所作今悉現

衆口意所行

所可修平等

諸利義悉吉

心所願輒得

如宿世所行

所願悉具足

諸所罪福報

所獲亦如是

莊嚴殊道場

四天子校飾

猶如晝度樹

佛昇忉利天

因緣不自在

悉說諸功勳

菩薩清淨業

如本所作行

迦林龍品第十六

佛告比丘菩薩身光照迦林龍王宮龍蒙佛

光身心悅豫消諸塵勞普獲安隱面目欣怡

尔時龍王見斯光明目即得開與眷屬前而讚

歎曰我以曾見拘留秦佛從來久遠亦見拘那

含牟尼佛并及迦葉光明所照覩諸法土光明無

垢必當有佛相好愍哀慧明興世故照我宮
金色光光不妄晃昱其明踰日火炎明珠所
不能逮天帝釋梵光自然遏阿湏倫明亦不
能及宮殿常冥今忽大明覺了離垢身得安
隱心懷踊躍體無衆患無熱清涼無數億劫
精進不疑詣道樹下善哉共取華香衣服寶
瓔琦珍名香擣香筵篋樂器當往供養執有
功勳龍后聞之歡喜悅豫出觀四方遙見菩
薩如湏弥山威光莊嚴百千天女而圍遶之
釋梵奉敬心中踊躍見其途路時龍后喜詣
度世所投身作禮叉手前任於是大悅供養
華香衆雜名香鼓樂而嗟歎曰功勳真正見

尊善哉如月盛滿化衆度世覩前至聖所現
瑞應今見亦然等無差特今必降魔逮得滅
度猶賈脫難宿曾布施如所願得逮致忍辱
所求精進樂於禪思然智慧燈本所行願今
悉具足必成最勝猶如有樹華實茂盛致佛
滅度如千泉源波水無盡其心歡悅普悉興
雲而雨遍至在虛空歎今必成道體紫金色
光周佛土一切惡趣悉致弘安其三千國諸
豪尊位今三世醫必當諸佛曜於天下猶安
明山不可傾動如明智人覩四大海尚可枯
竭詣樹王下無能障蔽不成佛道也佛告比
丘於是菩薩心自念言諸過去佛爲在何坐

得成無上正真之道爲正覺乎復更念言過
去諸佛坐於草褥成最正覺虛空之中無數
百千天覩菩薩心即時報言如大聖意過去
如來皆坐草褥成最正覺佛語比丘於時菩
薩見路右邊有一人名曰吉祥又生青草柔
軟滑澤整齊不乱好若天衣時菩薩見即便
越道詣吉祥所以慈和心與其談語而謂之
言敷演善教而勸助之言辞溫雅無有麁獷
其心安和而無惡音除姪怒癡演哀鸞音釋
梵八聲甚深難及如師子吼猶若雷震十方
佛國衆生蒙化皆得安隱有所講說百千法
音無能制止以一法音普入諸聲皆相安和

至於解脫普悅衆會一切諸佛所說應時與
慈仁語吾欲得草吉祥與我今日欲得當伏
邪力成無上覺無數劫來所施調意棄捨諸
想奉行禁戒今應獲之忍辱精進智慧功力
聲名智力禪定神通脫門道力今當獲之於
是吉祥聞導師說清和之辭歡喜踊躍身和
意悅奉柔軟草興大功祚度於無極吾成甘
露吉祥施坐當得佛道用施草故吾無數億
劫修勤苦行奉若干業智慧功德善權方便
心意堅強然後得佛必成正覺如我今也若
至道場當教餘人果得如願知吾得佛分別
甘露當來聽法逮最賢聖適施草坐地即大

動天在虛空皆共義手合掌今日降魔及官屬
力乃逮甘露無上正直佛語比丘往詣樹時諸
天化作八万佛樹師子之座心自念言當令
菩薩坐此嚴淨成最正覺又諸佛樹華果茂
盛或淳香樹高四千里或有佛樹七寶校成
高八千里或四十里或高百千由旬一切佛
樹具足八萬若干天衣而布其上或布蓮華
若干種品以爲牀座菩薩坐上有三昧名曰
淨曜定意正受適以是定三昧正受一切佛
樹皆菩薩坐相好嚴身一天子念知菩薩
坐我座上不在餘坐淨曜定意威神之故地
獄餓鬼畜生皆得休息諸天人民五道所生

衆生之類皆自目覩菩薩大士坐我佛樹下
不見在餘也其下劣衆本薄福者見於菩薩
身坐草褥詣菩薩所右遶七匝爾時菩薩坐
自然師子之座力勢堅固猛過龍象豪尊自
在無能及者名稱普聞布施持戒忍辱精進
一心智慧福祚妙達能降魔怨故現坐於草
褥其身直坐心意正定有德之人時見菩薩
坐師子牀如月盛滿照於十方菩薩自誓使
吾身壞肌骨枯腐其身碎盡不成佛道終不
起也從無央數億劫北載劫爲勤苦行今乃
得之終不迴還佛語比丘爾時菩薩坐佛樹
下有光明号頌宣道場放斯光明普照十

方無限佛界遍虛空際耀諸佛土。爾時東方
離垢世界無垢光如來佛國有一菩薩名耀
嚴光光往勸照與無央數菩薩眷屬往詣道
場適詣佛樹南西北方四隅上下十方佛國
盡虛空界所有佛土皆見菩薩坐一道場樹
下咸悉覩焉如近相見五道衆生展轉相視
皆見菩薩如觀手指云何大聖微妙如是彼
諸菩薩見其面像說此偈曰
無塵勞瑕疵 拔除衆垢濁 身光至十方
超越諸威耀 其福慧定意 積累無數劫
彼最勝能仁 普遍一切方
於時南方寶炎如來佛國寶淨世界菩薩名

現寶積蓋光往勸照與無央數諸菩薩俱眷
屬圍遶往詣佛樹供養菩薩執一寶蓋皆覆
道場釋梵四王展轉相謂獲嚴淨蓋爲供養
誰時寶蓋中出是偈音

百千那術載

以施無等倫

常懷弘慈心

此有殊特相

鉤瓊演光明

今至佛道場

力勢難可及

故來供養此

於時西方思夷像佛土華嚴神通如來世界
菩薩名無著者光明其光勸照與無央數諸
菩薩俱往詣道場寶交露帳十方天龍鬼
神捷沓和展轉相謂此嚴淨光爲從何來寶
交露帳說是偈曰

寶事及寶衣

高敞至三界

寶稱樂寶眼

被鎧而精進

今當得佛道

衆菩薩皆至

致此寶交露

供養彼最勝

於時北方日轉世界蔽日月光如來佛土菩

薩名淨王光往勸照於無央數諸菩薩俱往

詣道場十方世界所有德淨皆現高座時菩

薩衆皆說此言誰今致此若茲嚴淨其普嚴

淨演是偈言

其身清淨者

無數功福慧

所行口清淨

被宣斯法目

斯心常清淨

久發慈悲行

今至樹王下

供養釋尊人

於時東南方德王世界德明王如來佛土菩

薩名德意光顯其光勸照與無央數諸菩薩
俱眷屬圍遶往詣道場供養菩薩持交露臺
中有高座其交露臺演此偈言

其功勲德普

湏倫鬼休勒

彼德王福稱

以奉上道場

於時西南方樂成世界寶林如來佛土菩薩

名寶光顯其光勸照與無央數諸菩薩俱來
詣道場供養菩薩致無量寶交露之臺中有
高座其交露臺演此偈言

彼善意恭敬

施無數珍寶

講堂及軒牕

捨身及車乘

嚴交露華蓋

微妙好園觀

惠頭及手足

由是坐道場

於時西北方雨氏世界雨香王如來佛土菩薩名積雷雨音光明其光勸照與無央數諸菩薩俱來詣道場供養菩薩致衆香文露臺中有高座雨衆名香散高座上其雨香音演此偈言

雨法遍三界

具解脫光明

雨離欲甘露

至滅度無爲

消一切衆塵

悉斷結縛毒

禪思神足力

造三品華香

於是東北方樂帛文露世界寶蓋超光如來佛土菩薩名嚴淨帛帳光明其光勸照與無央數諸菩薩俱來詣道場供養菩薩其文露帳以寶爲地化作菩薩相好嚴淨是諸菩薩

各各執持天人華香卑身低頭說是偈言

古大衆恭敬

嗟歎億載佛

所說如梵天

稽首詣道場

於是下方普明世界普現如來佛土菩薩名
寶藏光明其光勸照與無央數諸菩薩俱來
詣道場供養菩薩炎光高座紫金蓮華自然

現矣彼蓮華上化有天像則以右手執寶瓔
珞垂繒幡綵卑身低頭說此偈言

其身恒恭敬

常禮佛弟子

禮佛捨自大

吾禮德功勳

於是上方虛空世界無限眼王如來佛土菩
薩名虛空藏光明其光勸照與無央數諸菩

薩俱來詣道場供養菩薩十方佛土如虛空
界合集諸華名香擣香衣服華蓋幢幡金銀
衆寶象馬車乘樹葉華實男女大小捷杳和
真陀羅天龍鬼神釋梵四王時放大雨使諸
衆生想歡喜悅其有恐懼令無畏難於是頌曰
好談如菩薩 奉愍傷得道 莊嚴淨應度

德喻大威神 或上雨虛空 垂百千寶瓔
或上香寶鬘 現垂諸華香 或地師子吼
演空無相願 或空揚大聲 故來現此華
或在空上界 現已千億寶 遍空現吉祥
歎菩薩福祐 應時放光明 覆蔽魔宮殿
或現寶幢英 最福詣佛樹 明珠亭虛空

光曜月善月
或頭面稽首
虛空手散華
手執持寶杖
憺怕寂然任
或如天帝釋
义手散明珠
雨光寶須曼
樹葉華香散
或受分陞利
歎尊無所著
幢幡及華香
或心化須曼
天子念造敬
或至四方澤
遙覩見菩薩
毛出柔軟香
億載天圍遶
或至四方域
此諸神歡勇
佛子現半身
青蓮若干華
身大如須弥
見三千佛國
雨道場佛樹
或可如須弥
燒諸好名香
或現寂梵像
等慈悲喜護
往詣佛道場
捷沓鬼真陞
或受持華香
卑已散華香
任相三十二
在虛空自投
目覩大地燒

悉見諸合散

今入法門行

聞天不與欲

或暢真隨音

顏色妙具足

莊嚴如玉女

觀天人無厭

身如剛無壞

心行棄自大

或來口說義

浴身光去垢

或寶場寶掌

辦百千幢蓋

雨寶華名香

衆生若立安

出地大寶藏

毛說億載經

辯才令意覺

解衆生迷惑

持無畏如山

化亂第一安

十方億載國

今日覺甘露

佛告比丘菩薩嚴淨如是比像開士自然去
來今佛諸佛國土菩薩道場所作嚴淨皆以
普現交露臺閣菩薩如是坐此高座其斯欲
界諸天之中諸魔波旬最爲豪尊今吾應義

當成無上正真之道為最正覺當感致魔令
到於斯緣是降伏因斯攝化諸欲界天子具
足德本及魔界天見師子吼降伏一切成最
正覺尔乃發起三界衆生

普曜經卷第五

嗚

屏處

上音隱也

餅

俗作匹

情態

下他代一

揣

正作搏

裸形

郎果反赤體也

軌則

上音法也

不彰

正作彰

譬

靈

上音竟反

正作

曆

鼻血也

逼

彼力反

猪

羊

上猪字

坊

蒲悶反塵

腹脊

下音背

鬚頭

音坤去

軟

犖

犖

牛乳也

非取

麩

密碑反

跣

徒反

釜

音父

壇

音薑

非取

相擡

下直反觸也

強額

下正作額

寶

桀

下元音非也

渠列

古

作乘字食證反緹幔也上音體下音唯赤緇懷妊

而禁反也渴正烏葛反辱音辱鹿麴作獠姦地上古

懷子也四隅下音愚瑕疵斯反亦作玼疾

鈎瑯正作鑠澹泊又音淡薄安靜也菰

郎果反



猪飼長治寄附

